


伊犁将军马广奏议

卷之四

伊犁將軍馬廣奏議

卷二十九
光緒



伊犁將軍馬廣奏稿

光緒二十九年全年

奴才馬

廣

跪



奏為擬請減成節餉指撥的款自行派員請領以
供支放恭摺具陳仰祈

聖鑒事竊查接管卷內光緒二十七年八月內曾准
行在戶部咨於援案預估光緒二十八年新餉案內
附片具奏請

旨飭下伊犁將軍等悉心籌度節省餉銀報部等因
奉

旨依議欽此欽遵咨行到伊前將軍長 未及議辦

卸事之才亮到任接准移交復准戶部咨催當將

甫經到任未敢驟議更章情形於請估二十九

年新餉摺內聲請展緩辦理在案數月以來多

方籌畫愧乏良謀誠以伊犁滿蒙標練各營官

兵七千餘人僅有額餉四十萬兩蒙古王公軍

台卡倫喇嘛人等一切雜支均在其內況滿蒙

兵丁全賴錢糧養贍家口裁退一兵即第一家

之生計近年各省協餉欠解甚鉅前將軍長

在任多方挪借支放業已極費經營之才等自維

才力勿如鎮茲邊局不能不藉此餉項羈縻人

心惟值此時局多艱徒自坐食不圖開源節流
亦實無以體部臣籌撥之艱屢與各營領隊大
臣暨寮屬籌商於無可設法之中極力籌畫惟
有共撙節減成支領庶兵不裁而餉可省因即
愷切開導該兵勇等食毛踐土均各具有天良
咸願遵照減成具領俾資挹注外等飭據糧餉
處核計每年按額撥新餉銀四十萬兩之數一
律核減一成五發給約可節省銀六萬兩擬請
即自光緒二十九年正月初一日起將一切支
款減成支放本年額餉前經戶部奏准伊犁仍

照原案估撥銀四十萬兩如能全數解到自應
將節省銀六萬兩另款封儲存候撥用第恐各
省協解不及積欠更多伊犁極邊寒苦別無可
以籌濟之方則奴才等失信兵勇督率無方深恐
難支邊局惟有請撥的餉庶免貽無事機奴才亮
前於奏請試辦晉茶摺內聲請於山西省協解
甘肅新餉內分撥銀二十萬兩分期派員請領
作為成本採茶搭餉如蒙

聖恩俯准擬請

敕部再於各省協解新餉內分撥銀十四萬兩以

足每年三十四萬兩之數每年由伊犁派員分期請領款俾資勻挪支放如將晉茶辦有成效盈餘若干仍可封存若干據實報明以裕帑項斷不敢稍任冒濫致令虛糜其二十八年以前借用商民匯兌甘肅藩庫湘平銀除已由甘發給外計尚欠發銀十一萬餘兩均經退回現擬換票仍飭該商赴甘請領又截至二十八年年底止先後借用新疆藩庫湘平銀四十萬一千八百三十一兩有奇即請甘新兩省催收二十八年以前欠餉分別撥發收還不由二十九年指

撥餉內扣抵等為節省額餉慎重度支起見
所擬減成節餉並請指撥的款自行請領緣由
除咨部外理合恭摺具陳伏乞

皇太后

皇上聖鑒訓示敕部核覆謹

奏光緒二十九年四月二十八日接到原摺

三月十三日奉

硃批戶部議奏欽此

光緒二十九年正月二十日

奏為裁撤伊犁洋操漢隊歸併軍標步隊規復馬
步勇額改練新操釐定營制餉章繕具清單恭
摺仰祈

聖鑒事竊查伊犁軍標前經將軍色楞 前護將軍

富勒銘 先後奏請設立步隊一營馬隊四旗

砲隊一哨一切營制餉章經戶兵兩部議准有

案前將軍長 因奏撥練軍經費於光緒二十

二年招募洋操步隊一營教練洋操屆滿三年

經費停撥籌餉維艱二十五年二月內奏請裁

減軍標步隊勇夫四棚馬隊勇夫八棚節省餉銀
及騎操倒馬例價並提用租馬價銀改練洋操
漢隊亦經奉准改練有案迄今又屆四年奴才
到任親加校閱其洋操漢隊弁勇技藝嫻熟者
固不乏人而習於懶惰者亦屬不少況伊犁邊
界遼闊輪番校巡步隊不如馬隊便捷自前次
裁減馬隊八棚之後誠如前將軍長 所奏分
佈實屬難週上年承准政務處咨令改練新軍前
將軍長 即擬將所練洋操漢隊挑選精壯者
歸併軍標步隊規復原裁勇額未及辦理卸事

移交

奴才

數年以來悉心籌畫實宜斟酌損益庶

養一兵可得一兵之用上年年底飭令中軍副

將詳加挑選將軍標步隊及洋操漢隊各勇中

老弱疲惰者全數裁汰挑留洋操嫻熟各勇歸

併軍標步隊以實營伍規復原裁四棚勇額除

營哨巡查各官已照額缺補署有人擬請照章

起支俸廉薪蔬以及營書火勇私夫均不增加薪糧

口分外其哨書護兵什長親兵正勇人等新

操較勞擬請每名於原定口糧之外月各加銀

三錢以示鼓勵至新軍與防軍操演異式動用

新式槍械亦宜隨時脩整即將洋操漢隊所設
總教習一名小教習四名脩槍匠一名挑留入
伍以資教練操演脩整槍械月支口分均照洋
操漢隊原定銀數支給洋操章程原設鼓號教
習一名鼓號兵六名現在營制不同人數即宜
加增惟餉項支絀擬將原設鼓號教習一名裁
去於前左右後四哨每哨各裁護兵二名共
挑留鼓號兵八名按照原訂護兵口糧各月加
銀三錢以資挹注至軍標馬隊四旗原裁馬勇
八棚本為節省餉銀撥充洋操漢隊勇餉此次

歸併軍標步隊練習洋操應請照章規復舊額
挑募精壯飭令分紮要隘勤慎巡防應支月餉
馬乾馬夫雜費等項悉仍其舊計規復馬步勇
額挑留教習人等加增練餉無間之年共需銀
一萬二千六百八十兩六錢即以裁省洋操漢
隊餉項銀一萬五千五百四十餘兩抵支尚節
省銀二千八百五十九兩六錢查二十五年前
將軍長 奏明改練洋操案內裁省軍標勇餉
並提用祖馬變價除支放洋操隊餉外原長餘
銀一十九百兩有奇合之此次裁改共餘銀四

千七百餘兩存備遇閏加增及添製衣褲操靴
脩整槍砲物料等欸之用尚屬有盈無絀應請
自光緒二十九年正月初一日起分別裁撤規
復認真操練巡防所有裁撤洋操漢隊歸併軍
標步隊規復馬步勇額加增月餉改練新操緣
由除咨部外理合恭摺具陳伏乞

皇太后

皇上聖鑒訓示敕部立案謹

奏光緒二十九年四月二十八日接到於三月十

三日奉

硃批該部知道單片併發欽此

光緒二十九年正月二十日

清單

謹將裁撤伊犁洋操漢隊歸併軍標步隊規復
馬步勇額改練新操釐定營制章程人數銀數
繕具清單恭呈

御覽

計開

裁省洋操漢隊弁勇夫銀數
營官一員月支薪水公費銀一百兩